

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Zaključak
o odbacivanju Prijave koncentracije
privrednog subjekta „Elektroprivreda Republike Srpske – Obnovljivi izvori energije“ d.o.o.
Ljubinje

Sarajevo
januar, 2023. godine



Broj: UP- 04-26-1-33-7/22
Sarajevo, 26.01.2023. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi sa članom 14. stav (1) Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije privrednog subjekta „Elektroprivreda Republike Srpske – Obnovljivi izvori energije“ d.o.o. Ljubinje, Škorava bb, 88380 Ljubinje, zastupan po Ognjenu Avlijašu, advokatu iz Bijeljine, Gavrila Principa 18/7, zaprimljenoj dana 15.12.2022. godine pod brojem: UP – 04-26-1-33-1/22 na 114. (stotinučetnaestoj) sjednici održanoj dana 26.01.2023. godine, donijelo je

Z A K L J U Č A K

1. Odbacuje se Prijava koncentracije privrednog subjekta „Elektroprivreda Republike Srpske – Obnovljivi izvori energije“ d.o.o. Ljubinje, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Obavezuje se privredni subjekt „Elektroprivreda Republike Srpske – Obnovljivi izvori energije“ d.o.o. Ljubinje da uplati administrativnu taksu u iznosu od 1.000,00 KM (hiljadu konvertibilnih maraka) u korist Budžeta institucija Bosne i Hercegovine.
3. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 15.12.2022. godine pod brojem: UP –04-26-1-33-1/22 zaprimilo Prijavu koncentracije (u daljem tekstu: Prijava) privrednog subjekta „Elektroprivreda Republike Srpske – Obnovljivi izvori energije“ d.o.o. Ljubinje, Škorava bb, 88380 Ljubinje, zastupan po Ognjenu Avlijašu, advokatu iz Bijeljine, Gavrila Principa 18/7 (u daljem tekstu: „ERS – Obnovljivi izvori energije“ ili Podnosilac prijave) , koji namjerava steći (..)**¹% udjela u privrednom subjektu „Comsar Energy Hidro“ d.o.o. Banja Luka, Vase Pelagića 2, 78000 Banja Luka (u daljem tekstu: „Comsar Energy Hidro“ ili Ciljno društvo), u skladu sa članom 12. stav (1) tačka b) podtačka 1) Zakona o konkurenciji („Službeni glasnik BiH“, br. 48/05, 76/07 i 80/09 - u daljem tekstu: Zakon).

Uvidom u Prijavu i dopune prijave koncentracije, utvrđeno je da ista nije potpuna u smislu člana 30. Zakona i čl. 9., 10., 11. i 12. Odluke o načinu podnošenja prijave i kriteriji za ocjenu koncentracije privrednih subjekata („Službeni glasnik BiH“, broj 34/10), te je Konkurencijsko vijeće zatražilo dopunu aktom broj: UP -04-26-1-33-2/22 od 05.01.2023. godine.

Podnosilac prijave je dostavio dopunu dana 18.01.2023. godine zaprimljenu pod brojem UP – 04-26-1-033-3/22.

¹ (..)** - podaci predstavljaju poslovnu tajnu

Po prijemu cjelokupne dokumentacije Konkurencijsko vijeće je utvrdilo da je Prijava kompletna, te izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 25.01.2023. godine pod brojem: UP –04-26-1-33-5/22.

Konkurencijsko vijeće je uvidom u dostavljenu dokumentaciju utvrdilo da je prijava podnesena u smislu člana 16. stav (2) Zakona.

1. Učesnici koncentracije

Učesnici predmetne koncentracije su „Elektroprivreda Republike Srpske – Obnovljivi izvori energije“ d.o.o. Ljubinje, Škorava bb, 88380 Ljubinje i „Comsar Energy Hidro“ d.o.o. Banja Luka, Vase Pelagića 2, 78000 Banja Luka.

1.1. Privredni subjekt „Elektroprivreda Republike Srpske – Obnovljivi izvori energije“

Privredni subjekt „Elektroprivreda Republike Srpske – Obnovljivi izvori energije“ d.o.o. Ljubinje, Škorava bb, 88380 Ljubinje je prema Aktuelnom izvodu iz sudskog registra broj: 062-0-Reg – Z – 22 – 000904 od 10.10.2022. godine registrovan u Okružnom privrednom sudu u Trebinju pod matičnim brojem: 62-01-0002-22, sa upisanim osnovnim kapitalom u iznosu od (..)** KM.

Većinski vlasnik privrednog subjekta „ERS – Obnovljivi izvori energije“ sa 100% vlasničkog udjela je privredni subjekt Mješoviti Holding „Elektroprivreda Republike Srpske“ – Matično preduzeće a.d. Trebinje, Stepe Stepanovića bb, 89101 Trebinje.

Pretežna registrovana djelatnost privrednog subjekta „ERS – Obnovljivi izvori energije“ snabdijevanje i trgovina električnom energijom.

1.2. Privredni subjekt „Comsar Energy Hidro“ d.o.o. Banja Luka

Privredni subjekt „Comsar Energy Hidro“ d.o.o. Banja Luka, Vase Pelagića 2, 78000 Banja Luka prema Aktuelnom izvodu iz sudskog registra broj: 057-0-Reg – Z – 22-004243 od 07.09.2022. godine, je registrovan u Okružnom sudu u Banjoj Luci pod matičnim brojem: 57-01-0297-12, sa upisanim osnovnim kapitalom u iznosu od (..)** KM.

Većinski vlasnik privrednog subjekta „Comsar Energy Hidro“ sa (..)**% vlasničkog udjela je privredni subjekt „Comsar Hydro Hodling Limited“, Agiou Prokopiou 13, Egkomi 2406, Nikozija, Kipar.

Pretežna registrovana djelatnost privrednog subjekta „Comsar Energy Hidro“ je izgradnja hidrograđevinskih objekata.

Privredni subjekt „Comsar Energy Hidro“ d.o.o. Banja Luka je nosilac koncesije za izgradnju i korištenje hidroelektrane Mrsovo na rijeci Lim, Opština Rudo, procijenjene snage 37,3 MV i ukupnom godišnjom proizvodnom procijenjenom na 140,6 GWh.

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona, Odluke o utvrđivanju relevantnog tržišta („Službeni glasnik BiH“, br. 18/06 i 34/10) i

Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH, broj 34/10).

3. Pravni osnov koncentracije

Podnosilac prijave je kao pravni osnov koncentracije navodi Memorandum o razumijevanju (..)**.

U skladu sa članom 1. stav (4) Memoranduma o razumijevanju, Potpisnice izražavaju zajednički interes s ciljem detaljnije analize potencijalne transakcije koja bi se odnosila na (..)**.

4. Relevantno tržište

Osnivač „ERS – Obnovljivi izvori energije“ d.o.o. Ljubinje – MH ERS Matično preduzeće kupuje električnu energiju od zavisnih preduzeća iz sistema Mješovitog Holdinga ERS i tu energiju prodaje na regulisanom tržištu za vršenje javne usluge i za rezervno snabdijevanje u Republici Srpskoj, a preostale bilansne viškove prodaje na slobodnom tržištu veletrgovcima u Bosni i Hercegovini.

Privredni subjekt „ERS – Obnovljivi izvori energije“ planira da djeluje na tržištu električne energije Bosne i Hercegovine i Jugoistočne Evrope s obzirom da je Bosna i Hercegovina potpisnica Ugovora o uspostavljanju Energetske zajednice Jugoistočne Evrope od 2006. godine.

Državna regulatorna komisija za električnu energiju (DERK) je 2006. godine donijela Odluku o obimu, uslovima i vremenskom rasporedu otvaranja tržišta električne energije („Službeni glasnik BiH“, br. 48/06 i 77/09).

Suština „otvaranja tržišta električne energije“ je da od 01.01.2015. godine svi kupci imaju pravo da kupuju električnu energiju na otvorenom tržištu i zaključuju ugovor o snabdijevanju sa snabdjevačem koga sami izaberu. S tim u vezi je i Berlinska inicijativa koja obuhvata države WB6 – 5+1 Balkanskih zemalja (BiH, Albanija, Sjeverna Makedonija, Crna Gora, Srbija i Kosovo) sa osnovnim ciljem razvoja i spajanja spot tržišta.

Razvoj „spot“ tržišta obuhvata:

- uspostavljanje organizovanog veleprodajnog tržišta za električnu energiju u formi elektronske trgovinske platforme,
- postizanje sporazuma za spajanje tržišta otvorenog za sve operatore energetske berze i u državama WB6 i susjednim zemljama,
- uklanjanje najvažnijih pravnih i ugovornih prepreka za uspostavljanje organizovanih tržišta električne energije i spajanja tržišta na osnovu izvještaja Sekretarijata,
- fokusirati se na energetske berze ili, ako je ekonomski opravdano (uzimajući u obzir likvidnost i ekonomsku održivost) uspostaviti vlastitu energetske berze omogućavajući veleprodajnu tržišnu trgovinu,
- osigurati likvidnost domaćih tržišta električnom energije odgovarajućim regulatornim mjerama kao što su revizije ugovora, oslobađanje kapaciteta, virtualne elektrane itd.,
- spajanje organizovanih dan – unaprijed tržišta električne energije s barem jednom susjednom zemljom.

Bosna i Hercegovina je jedina zemlja u Jugoistočnoj Evropi koja izvozi značajan obim električne energije uprkos činjenici da najveći dio proizvedenog potencijala zemlje još uvijek nije iskorišten. Ukupna proizvodnja električne energije u Bosni i Hercegovini iznosi 17.055,44 GWh, od čega su termoelektrane na

ugalj proizvele 9.820,98 GWh, a hidroelektrane 6.313,99 GWh. Osim određene prekogranične prodaje električne energije, privredni subjekat „Elektroprivreda Republike Srpske“ je isključivo aktivna u Bosni i Hercegovini i nema neposrednu aktivnost u drugim državama.

S tim u vezi relevantno geografsko tržište prema mišljenju Podnosioca prijave se definiše kao cijela teritorija Bosne i Hercegovine jer otvaranjem tržišta električne energije, kupci imaju pravo da izaberu preferiranog snabdjevača električne energije.

Kao relevantno tržište proizvoda Podnosilac prijave navodi tržište električne energije u Bosni i Hercegovini.

Uzimajući u obzir sve djelatnosti i poslovne aktivnosti učesnika u koncentraciji, relevantno tržište učesnika koncentracije može se definisati kao tržište proizvodnje električne energije u Bosni i Hercegovine.

Popis i procjena tržišnih udjela proizvođača električne energije na relevantnom tržištu proizvodnje električne energije je prikazan u sljedećoj tabeli.

Tabela 1.

Red br.	Proizvodnja električne energije na prenosnoj mreži u 2021. godini		
	Naziv privrednog subjekta	Proizvodnja (GWh)	Tržišni udio (%)
1.	MH Elektroprivreda RS	(..)**	(..)**
2.	JP „Elektroprivreda BiH“ d.d. Sarajevo	(..)**	(..)**
3.	JP „Elektroprivreda HZHB“ d.d. Mostar	(..)**	(..)**
4.	Ostali subjekti	(..)**	(..)**
5.	Ukupno:	(..)**	(..)**

Izvor: Podaci iz Prijave.

5. Ocjena prijave koncentracije

U Prijavi koncentracije i dopuni prijave koncentracije Podnosilac navodi da je predmetnim Memorandumom o razumijevanju utvrđeno između ostalog sljedeće:

(..)**

Stranke su se usaglasile da se nakon izvršene dubinske analize projekta, ukoliko se utvrdi ekonomska opravdanost transakcije, nastavi sa pregovorima o potencijalnoj transakciji koja bi u konačnici imala za cilj

(..)**.

Član 12 stav (1) Zakona o konkurenciji utvrđuje da se koncentracijom u smislu ovog Zakona smatra:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili prevladavajućeg uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 - 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili
 - 3) na drugi način, u skladu sa odredbama zakona koji reguliše osnivanje privrednih subjekata i njihovo upravljanje;
- c) zajedničko ulaganja na dugoročnoj osnovi, dva ili više nezavisnih privrednih subjekata, koji djeluju kao nezavisni privredni subjekt.

Slijedom navedenog, pravni oblik predmetne koncentracije je sticanje kontrole jednog privrednog subjekta nad drugim, kupovinom većine udjela u smislu odredbi člana 12. stav (1) tačka b) podtačka 1) Zakona.

Obaveza prijave koncentracije privrednih subjekata sa sjedištem i prebivalištem u inostranstvu postoji ukoliko su ispunjeni uslovi iz člana 14. stav (1) tačke a) i b) Zakona, tj. ukoliko ukupni godišnji prohod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila kocenetraciji i ukoliko ukupni godišnji prihodi svakog od najmanje dva privredna subjekta učesnika koncentracije ostvaren prodajom roba i / ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni godišnji prihodi učesnika koncentracije i njihovih povezanih privrednih subjekata, na dan 31.12.2021. godine iznosio je:

Tabela 2.

Ukupni godišnji prihod u 2021. godini				
	„Elektroprivreda Republike Srpske“ – Matično preduzeće a.d. Trebinje	„Elektroprivreda Republike Srpske – Obnovljivi izvori energije“ d.o.o. Ljubinje	„Comsar Hydro Holding Limited“ Nikozija, Kipar	„Comsar Energy Hidro“ d.o.o. Banja Luka
BiH	(..)**	(..)**	(..)**	(..)**
Svijet	(..)**	(..)**	(..)**	(..)**

Izvor: Podaci iz prijave

Godišnji prihod učesnika koncentracije predstavlja ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine) u smislu člana 9. tačka h) Odluke o načinu podnošenja prijave i kriterijumima za ocjenu koncentracija privrednih subjekata.

Prema podacima iz Prijave (Tabela 2.) učesnici koncentracije nisu ispunili uslov ukupnog godišnjeg prihoda, u smislu člana 14. stav (1) tačka b) Zakona.

Također, učesnici koncentracije nisu ispunili uslov iz člana 14. stav (1) tačka b) u pogledu tržišnog udjela (Tabela 1) s obzirom da Ciljno društvo još nije aktivno na relevantnom tržištu proizvodnje električne energije, a tržišni udio Podnosioca prijave zajedno sa povezanim privrednim subjektima ne prelazi 40% na relevantnom tržištu. .

Na osnovu naprijed navedenog, utvrđeno je da Podnosilac prijave nije bio obavezan podnijeti prijavu koncentracije u smislu člana 14. Zakona, te je odlučeno kao u dispozitivu.

U skladu sa naprijed navedenim donijeta je odluka kao u dispozitivu.

6. Administrativna taksa

Podnosilac prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06, 18/11 i 75/18) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

Predsjednik

Nebojša Popić